

佛學大辭典

丁福保

佛學大辭典

丁福保

卷下 (2001—3002)

【現印】（印相）不動尊十四印之一。見不動尊條。

【現色不相應染】（術語）起信論所說六染心之一。五識中之現識、三細中之現相也。現識爲現一切之色像即境界之相者、故名現色。生境界之相、猶爲微細之根本無明分際、而未與心王心所相應而起、（惟爲心王）故名不相應染。

【現身】（術語）現生之身。又佛菩薩化現種種之身也。

【現身說法】（術語）謂神力廣大。能現種種身。向種種人說法也。楞嚴經曰、「我於彼前、皆現其身、而爲說法、令其成就。」今謂借己身爲譬喻、以寓訓戒者、亦用此語。

【現劫】（術語）現在之劫。即賢劫。

【現供養】（術語）對於四種供養中運心供養而謂他之三供養也。見供養條。

【現法樂住】（術語）禪定七名中之

一。禪定者、離一切之妄想而現受法味之樂。安住不動、故名。了義燈五本曰、「定有七名。（中略）七云現法樂住（中略）現法樂住、唯在靜慮、根本非餘。淨不通散。」

【現前】（術語）在於現在目前也。律中現前僧之語、處處散見、似指現居於眼前之僧、因顯現於前也。

【現前地】（術語）菩薩乘十地之第六地。真如淨性顯現之位。最勝般若顯現之位。楞嚴經八曰、「無爲真如。性淨明露。名現前地。」唯識論九曰、「現前地。住緣起智。引無分別最勝般若。令現前故。」

【現前授記】（術語）四種授記之一。見菩薩根性熟、現於一切大衆前授成佛之記也。

【現相】（術語）起信論所說三細之一。三細中自第二之轉相現一切境界之相者。於論謂之境界相、義記謂之現相。五識中

之現識。六染心中之現色不相應染也。起信論曰、「三者境界相。以依能見故。境界相妄現。」

【現般涅槃】（雜語）大日經六（三昧耶品）曰、「復次秘密主。次於一身示現三種。所謂佛法僧。復次秘密主。從此成立說三種乘。廣作佛事。現般涅槃。成熟衆生。」般涅槃、譯曰入滅。佛入相成道中示現入涅槃之相也。

【現益】（術語）現世之利益。

【現起光】（術語）二光之一。常備於佛身之光明謂之常光、應緣而大放光謂之現起光。

【現通】（術語）現通力也。唯識論十曰、「稱彼機宜。現通說法。」

【現通假實宗】（術語）慈恩入宗之第四。賢首十宗之第四。小乘二十部中說假部並經量部之別師及成實論等所立、說現

在法通於假實、故有此稱。蓋說假部三科中、五蘊不分根境、能緣所緣不對立、直就法之自性而分類、故以之爲實。十二處十八界能所根境相對而說、故謂爲假設而非實法。又經量之別師謂五蘊十二處爲應分別、故立爲假。十八界爲細分別、故立爲實。見法華玄贊一五教章上。

【現量】（術語）因明用三量之一。又心識三量之一。現實量知也。向色等諸法、現實量知其自相、毫無分別推求之念者。五識之緣五境、與意識之與五識共緣五境者、（五同緣意識）與五識同時起者、（五俱意識）又在定中之意識與第八識之緣諸境、均爲現量。此總出於心識上之現量也。其中因明用之現量、惟五識與五同緣、五俱之意識而已。因明入正理論曰、「現量謂無分別（中略）現現別轉、故名現量。」因明大疏上本曰、「能緣行相、不動不搖、自唯照境、不籌

不度、離分別心、照符前境、明局自體、故名現量。」又同下末曰、「五根各各明照自境、名之爲現。」

【現量相違】（術語）因明宗法九過之一。卽相違於現量所得之事實而立宗之過失也。如立宗而說聲非所聞、聲所聞之法、爲與耳識同起之意識、（五俱之意識也）現量所證知、若謂聲非所聞、則與此現量之證知相違、故名現量相違。見因明大疏中本。

【現智身】（術語）金剛界修法所結之印明之一見次項。

【現智身印明】（印相）蓮華部心軌於被甲拍掌之後說現智見智二身之印明。文云、「次結現智身。二羽金剛縛。禪智入於掌。身前想月輪。於中觀本尊。諦觀於相好。偏入金剛已。大印如儀則。身前當應結。思惟大薩埵。真言曰。唵（歸命）嚩日囉（金剛）薩怛縛（有情金剛薩埵種子）」

【現喻】（術語）八種喻之一。以現在之事物爲譬者。

【現報】（術語）現在作善惡之業、而現身受善惡之果也。

【現當】（術語）現在與未來之二世。未來又云當來。故云。

【現瑞序】（術語）以名法華經序品中彼兩華放光六瑞之一段。

【現種種身】（雜語）法華經妙音菩薩品說妙音菩薩現三十四身濟度衆生曰、「妙音菩薩其身在此。而是菩薩現種種身。處處爲諸衆生說是經典。」

【現圖曼陀羅】（術語）胎藏金剛之兩部曼荼羅、流布於世者。本爲現於空中者、故云現圖。或爲現所圖示者、故云現圖。金曼者、金剛智、不空所傳、胎曼者、善無畏所傳、或云兩曼皆善無畏所傳。曼陀羅大鈔一曰、「此現圖曼陀羅者。善無畏三藏捨國位入秘


密教。奉值金剛智受兩部大法。爲北天竺堅陀羅陀國大玉授兩部大法。時大王云。正奉見兩部曼陀羅矣。時善無畏金粟王塔本請聖加被。時炳現虛空。曼陀羅是也。(中畧)或說云。北天竺暮嚩羅國有王名金粟王。歸依善無畏三藏建塔置其寺。時王云。授我真言。三藏思。天竺大日經廣本十萬偈三百卷。無便授。此時三藏向天云。授我末世相應法。祈時經七日金字大悲胎藏曼陀羅現空。三藏圖繪之。今世流布曼陀羅是也。」又金曼之現圖有諸說。見九會曼陀羅條。

【金剛界現圖曼陀羅】(術語) 是金

剛界之現圖曼茶羅也。東方爲正面。第一會置中央。自東面右旋而置八會。合爲九會。見九會曼陀羅條。

【胎藏界現圖曼陀羅】(術語) 胎藏

界者大日經說十院。青龍儀軌說十三院。現圖示十二院。




於此加四大護院、而爲十三大院、四大護院者、應在四門云。

【三重圓壇與四重圓壇】(雜語) 現

圖曼陀羅與經疏所說異。依現圖則上下四重、左右三重、故約於前後而云四重。除中院外、遍智院、金剛手院、觀音院、持明院之四院爲第一重、次釋迦、虛空藏之二院爲第二重、次文殊、除蓋障、地藏、蘇悉地之四院爲第三重、此外金剛部衆圍繞四周爲第四重。總之

左右三重、上下四重也。因此稱爲四重圓壇。然據經疏有三重四重之兩說。三重之說依疏六則如左圖。



此亦除中胎、以遍智、金剛手、觀音、持明之四院爲第一重、又云第一院是爲三德秘藏之內容。又云如來法身之智德。次以文殊、除蓋障、地藏、虛空藏之四院爲第二重、又云第一院是爲如來之大眷屬、如來悲智之二德

也。次于釋迦院中攝一切之二乘八部而爲第三重。又云第三院。是爲一切衆生喜見隨類之應身等流身。又云如來外用悲德。是即三重圓壇也。大日經疏五曰、「從大日如來臍已下光明。是此第三重位。自臍已上至咽喉出光明。爲第二重位。自咽喉已上乃至於頂相之光。爲第一重位。其中胎藏卽是毘盧遮那自心八葉華也。」又曰、「此蓮華臺是實相自然智慧。蓮華葉是大悲方便也。正以此藏爲大悲胎藏漫荼羅之體。其餘三重是從此自證功德流出諸善知識入法界門耳。」同六曰、「三重漫荼羅所示種種類形。皆是如來一種法門身。是故悉名爲佛。」同七曰、「更作深秘密釋者。如三重漫荼羅中五位三昧皆是毘盧遮那秘密加持。其與相應者皆可一生成佛。何有淺深之殊。」已上三重之明文也。然疏一云、「畫作諸佛菩薩乃至二乘八部等四重法界圓壇。」同十五云、「

如前所說。以身四分作四重曼荼羅。」其相達如何。三重者。中院是法界自性之體。故除之。就其流出上而立四重。又四重者。於三重加中院能所合論故也。而中院爲第一重者。疏七云、「謂中胎藏毘盧遮那。第二院觀音金剛手云云。」是既以觀音金剛手（三重中之第一重）爲第二院。則以中胎八葉爲第一重可知也。又同二十云、「此八葉卽是大悲藏第一重也。」

【經疏與現圖相違】（雜語）現圖置

釋迦於第二院。經軌置於第三院。是經軌依大日經具緣品所云「次往第二院。東方初門中畫釋迦牟尼」之文。然據阿闍梨之說。則若依自內向外之次第。文殊院應爲第二重。釋迦院（合外金剛部）應爲第三重。今釋迦院爲第二者。是示大智大悲次第故也。故作此曼陀羅。先作中胎並第一重。是爲大日內證之智德故也。次越第二重而作第三重

之釋迦院。是爲大日外用之悲德故也。卽大智大悲不二之次第也。次還作第二重之文殊院等。是兼悲智具二利故也。然則經文之第二院。依法門次第。釋迦作第二番故云第二院。文殊作第三番故云第三院。是但爲治慢法之人。特安密語耳。大日經疏五曰、「次往第二院畫釋迦牟尼。阿闍梨云。此中第二是隱密語耳。若從中向外當以釋迦牟尼眷屬爲第三院。今則以毘盧遮那法門眷屬爲第一。釋迦牟尼眷屬爲第二。諸菩薩在悲智之間。上求下化故爲第三。所以如此互文者。此是如來密藏。爲防諸慢法人不從師受者。變亂經文。故須口傳相付也。」同十二曰、「前曼荼羅中。云第二院置釋迦。第三院文殊師利。此文互也。由下先定中胎竟直向第三院定之。故云第二。非是第二則是第三重也。」又云。現圖之蘇悉地院。不載於經軌者。諸師合之於虛空藏院之意也。

【三部】（術語）胎藏界之曼荼羅、分之則中臺八葉院、及上下之諸院爲佛部、右方之諸院爲蓮華部、左方之諸院爲金剛部、見胎藏界條。

【諸尊之方位】（雜語）凡金胎兩部之曼荼羅、一曼荼羅之諸尊、皆向大日而坐、例如金剛界五解脫輪之聖衆、前右左後雖異、然皆面向大日。又攝真實經中說毘盧遮那如來坐在中、面向東方、東方不動如來、面向西方、四大菩薩亦然。（中略）南方之寶生如來、面向北方、四大菩薩亦然。然現圖諸尊、總向行者而坐、是爲使行者觀念之方便也。演奧鈔十三曰、「問、右爲智、故應爲金剛部、左爲理、故應爲蓮華部。今相反之如何。答、北以水故爲蓮華部、南以火故爲金剛部。疏第四云、土持中胎藏、水持右方蓮華部、眷屬金持左方金剛部、眷屬木持上方如來果德、火持下方大力諸明。」又曰、「問、觀音右安多

羅、左安毘俱胝如何。答、觀音有定慧二德、多羅主定德、故置右、毘俱胝主慧德、故置左。例如大日右安蓮華部尊、左安金剛部尊。」

【現識】（術語）楞伽所說三識之一。阿賴耶識之異名。一切諸法、盡依阿賴耶識而顯現、故名現識。楞伽經一曰、「譬如明鏡持諸色像。現識處現亦復如是。」唯識了義燈四本曰、「現識者。楞伽經云。諸法皆於本識上現故。」因起信論所說五識之一。以名阿賴耶識之相分。由阿賴耶識之自體分變現能見之心與所見之相也。彼論以其自體分名業識、以其見分名轉識、以其相分名現識。

【現證】（術語）現證妙果也。

【現證三昧大教王經】（經名）一切如來真實攝大乘現證三昧教王經之略稱。

【現觀】（術語）慧現觀諦理也。於見道十六心之位觀上下八諦之理、謂之聖諦。

現觀。此有二種、如小乘有部以十六心見道、故爲漸現觀、如大乘法相立一心真見道、故爲頓現觀。唯識述記九末曰、「現謂現前明了現前觀此現境。故名現觀。」又曰、「現觀者。慧現觀諸法。」

【三現觀】（名數）俱舍論所說。一見現觀。正就見諦之法而立者、唯無漏之慧也。是獨於諸諦之境現見分明、故名現觀。二緣現觀。就能緣之法而立者、即合此無漏之慧及與此慧相應之一聚心心所而爲現觀。三事現觀。就作同一事業之法而立者、即此時能緣之心心所并道共戒不相應法等、盡作同一之事業、故總名現觀。見俱舍論二十三。

【六現觀】（名數）唯識論所立。一思現觀、思觀察諸法而使別生現觀智之力強、故與以現觀之名。二信現觀、於三寶決定之淨信、助現觀之智而使不退轉、故與以現觀之名。三戒現觀、無漏之道共戒、除破戒之垢、

使觀智增明、故亦名現觀。四現觀智諦現觀、此乃正爲現觀之智諦、名現觀者、卽於見道修道觀其如之體（名非安立諦）之無漏智慧也。五現觀邊智諦現觀、於正觀真如之體、後邊更觀真如之相（謂之安立諦）之見道修道智諦也。六究竟現觀、謂究竟位（卽無學道）中一切之諸智、此中後三者爲現觀之自性、而前三者爲現觀俱起之法、故均於俱舍論之事現觀、見唯識論九。

【現觀邊】（術語）卽見道現觀後邊所得之世俗智也。大毘婆沙論三十六曰、「現觀苦邊集邊滅邊、得此智故、名現觀邊。有說此是諸瑜伽師、觀聖諦時、傍修得故、名現觀邊。尊者妙音說曰、此智近現觀故、名現觀邊。如近村物、名曰村邊。」又見俱舍論二十六。

【理】（術語）事之對也。指平等之方面。於表面難認識於本體有一定不變之理。

存。如不見木石爲木石、觀爲因緣所生法也。四教儀曰、「良以如來依理而立言、遂令群生修行而證理、故佛聖教出世法。」

【理一】（術語）法華四一之一。見四一條。

【理入】（術語）二入之一。深信凡聖一如之理而不疑也。依此理入而起修行、謂之行入。見金剛三昧經上。

【理在絕言】（術語）言真理在言語道斷中之義。又爲當然不要道理言論之義。釋家多用此語。本據未詳。六要鈔六曰、「大涅槃界第一義諦、妙境界相、理在絕言。」傳通記糝鈔七曰、「若據一家實者、佛加決定、方請加備、理在絕言。」

【理佛】（術語）法身之異名也。佛三身中報化二佛爲事佛、法身佛爲理佛。是通途之義也。因台家所立六卽佛中之理卽佛也。三惡之衆生、亦具法性之理、與佛無異、是

爲理佛。又稱業法身、唯具法身之理體而無功德之莊嚴也。天台觀經疏曰、「言衆生卽是佛、理佛也。」

【理佛性】（術語）對於行佛性而言。佛性之理體爲理佛性、可開發其佛性之行業爲行佛性。以法相宗立有永不成佛之衆生、違於涅槃經一切衆生悉有佛性之語、故於佛性立此二義而會之也。謂理佛性者、一切衆生雖具、而行佛性者不遍於一切、故有成不成也。見行佛性條。

【理卽】（術語）台家所立四教六卽位之第一。一切衆生皆具中道佛性爲理、此理具之位與究竟之佛果不二爲卽。卽三惡道之衆生、無一毫之善者、是理卽也。見六卽條。

【理卽佛】（術語）六卽佛之一、理卽位之佛也。卽理佛。具天然之佛性而無一毫之解行者。卽極惡最下之凡夫也。然自理

性言之。則與究竟之佛相即不二。故云理佛。四教儀曰：「今雖然即佛。此是理即。亦是素法身無其莊嚴。何關修證者也。」同集註下曰：「理即佛。貶之極也。以其全乏解行證即。但有理性自爾即也。」見六即佛條。

【理身理土】（術語）三身中之法身。謂之理身。法身所住之土謂之理土。普賢觀經名之爲毘盧遮那（理身）常寂光（理土）唯識論十名之爲自性身（理身）法性土（理土）立此身土之別。或以寂（理土）照（理身）或以理（理土）智（理身）或以性（理土）相（理身）要之爲一法性上之義立也。見西方合論五觀經疏傳通記一等。

【理事】（術語）道理與事相也。是配於真俗理爲真諦。事爲俗諦。釋門歸敬儀中曰：「入道多門。不過理事。理謂道理。通聖心之遠懷。事謂事局。約凡情之延度。」

【理事無礙觀】（術語）華嚴宗所立

法界三觀之一。平等之真體爲理。有爲之形相爲事。理如水。事如波。即於平等之理而有萬差之事。即於萬差之事而有平等之理。觀如此事理交徹真俗圓融之義。謂之理事無礙觀。見十玄門條。

【理事無礙法界】（術語）四法界之一。同於理事無礙觀。法界者。總稱事理之法之語也。見玄門條。

【理事俱密】（術語）台密所立密教二種之一。見理秘密教條。

【理法身】（術語）二法身之一。就三身中之法身而分理智之二。所證之理體爲理法身。能證之智慧爲智法身。依新譯家則理法身者無爲而本有。智法身者有爲而新成。依舊譯家則理智皆爲無爲。法性本有寂照之二用。以寂之義爲理法身。取照之義爲智法身。最勝王經二曰：「唯有如如智。是名法身。」

【理法界】（術語）四法界之一。謂諸衆生雖有色身等之別。然皆爲同一體性也。【理門論】（書名）因明正理門論之略名。

【理具】（術語）台家有理具事造之目。法性之理體。自爾具三千之諸法。爲理具。依緣造起爲事造。山外之正義。依理具之三千而有事造之三千。山外之異義。立事造之三千而不許理具之三千也。

【理具成佛】（術語）真言宗所立三種成佛之一。謂一切衆生本具兩部之曼荼羅而本覺常住也。見即身成佛條。

【理具三千】（術語）萬有一一悉皆具三千諸法。謂之理具三千。對於事造三千而言。

【理具即身成佛】（術語）見即身成佛條。

【理性】（術語）性者。以不改爲義。本

具之理體、終始不改、謂之理性。

【理和】（術語） 僧伽有理事二和、同一界內之僧、身口意三業無乖角、謂之事和。

同破見思之惑、同證無爲之理、謂之理和。

【理長爲宗】（術語） 不問宗派如何、

但取道理所勝而立論。例如世親依婆沙論而造俱舍論時、不但依有部之義、且取經部之說也。

【理界】（術語） 界者差別之義、差別理智之二、而云理界智界。如言理門智門。

【理秘密教】（術語） 日本台密於密

教中立理秘密、事理俱密之二教。華嚴法華等之一乘教爲理秘密、且立大日釋迦同體之義。東密不許之也。菩提心義「末曰、問、仁王經云五千人現身成佛者、是於佛世聞仁王經而成佛也。菩薩處胎經云、魔梵釋女皆不捨身、不受身、悉於現身成佛者、是於無佛世自觀而成佛也。無量義經云、持是經者、

卽於此身得無生忍者、是於佛滅後持經而成佛也。云何惟真法中言卽身成佛耶。若言此等卽身成佛之人、皆修此觀（真言觀）則何故說此三摩地法之諸教中闕而不書。答、所言之真言法者、大日經義釋謂梵音云曼怛羅。此云真言。龍樹釋論謂之密語。真語如語不妄不異之語。故名真言。故凡說真如法性之教、皆名真言。故凡法華等之諸大乘、皆名真言秘密教。唯法華等、雖皆說此三摩地法、而傳法之菩薩、闕而不書。若於佛世、若於滅後、持經而心覺開解、則得成佛道。成佛道時、於內心觀法、名三摩地。是名初住之卽身成佛。問、何以知說諸真如法性、皆名真言秘密教耶。答、蘇悉地經疏云有二種教。一顯示教。二秘密教。顯示教謂阿含深密等諸三乘教也。秘密教謂華嚴維摩法華涅槃等諸一乘教也。秘密教亦有二種。一理秘密教。謂彼華嚴等一乘教。唯說世俗勝義圓融無二不

說三密行相故。二事理俱密。謂大日金剛頂蘇悉地經等能說世俗勝義圓融無二亦說三密行故。

【理致】（術語） 道理旨趣也。法華遊

意上曰、「理致淵遠、統羣典之要。」唐僧傳（德志傳）曰、「名題前後、甚得理致。」因禪家之宗匠、接人開示經論之道理而導之、稱爲理致。彼宗所謂如來禪是也。七帖見聞一末曰、「神智云。宗門立理致機關二門。教化機緣。」

【理乘】（術語） 三大乘之一。爲萬有

根柢之理性之異名。

【理教】（術語） 台家立四教、通教爲

界內之理教、圓教爲界外之理教。見界內及

界外條。

【理密】（術語） 台密所立之理秘密

教也。見理秘密教條。

【理曼陀羅】（術語） 胎藏界之曼陀

羅。

羅也。南部之曼陀羅配于理智則胎藏界爲顯衆生本有之理性之德者、金剛界爲說如來始成之智相者。

【理智】（術語）理爲所觀之道理、智爲能觀之智慧、彼此冥合、稱爲覺悟。即依理生智依智順理也。不思議疏下曰、「秘秘中秘釋者、本不生理自有理智、自覺本不生故。」因智有二種、有漏諸智謂之事智、無漏智謂之理智。見俱舍論十八。

【理智相應】（術語）真如之理、與證此之智慧相應也。

【理智無礙法身】（術語）三種法身之一見法身條。

【理善】（術語）事理二善之一。事理者淺深之意也。滅事惡之淺近之善爲事善、滅理惡之深妙之善爲理善。法華玄義五曰、「生界內事善說三藏位、生界內理善說通教位、生界外事善說別教位、生界外理善說

圓教位。」見二善條。

【理惑】（術語）對於事惑而言。我見邊見等見惑、迷惑於四諦之理、謂之理惑。貪瞋等思惑、迷惑於世間之事相、謂之事惑。（就藏通二教而論）又根本無明之惑、能障覆中道之理、使不顯發、謂之理惑。見思之惑、能覆空寂之理、塵沙之惑、能障化導之事相、謂之事惑。（就別圓二教而論、見玄義釋籤六、因所證之理與所斷之惑也。玄義釋籤一曰、「理惑體一境智如如。」

【理窟】（雜語）道理之窟也。宋高僧傳七曰、「謂之義天、則明皇有爛、謂之理窟、則善門無關。」續高僧傳十曰、「理窟更深。浮蕩不捨。」

【理障】（術語）二障之一。根本無明、礙正知見而不達本覺真如之理、謂之理障。圓覺經曰、「云何二障。一者理障。礙正知見。二者事障。續諸生死。」

【理盡三昧】（術語）照解極理之禪定也。新譯仁王經中曰、「爲三界主。修不可稱不可說法明門。得理盡三昧。」同良賁疏中上曰、「照解離極、故名理盡。」

【理趣分】（經名）具名般若理趣分。般若十六會中之第十會、大般若經第五百七十八卷是也。與密部之理趣經大同。

【理趣經】（經名）又云般若理趣經。大樂金剛不空真言三摩耶經之異名也。有不空譯之理趣釋二卷、日本弘法之理趣經開題五卷、亮典之純秘鈔三卷。因金剛智所譯金剛頂瑜伽理趣般若經一卷之略名。是般若經之異譯也。

【理趣會】（術語）金剛界九會曼陀羅之一。有十七尊以諸尊住於理趣三昧而名。見九會曼陀羅條。

【理趣釋】（書名）具名大樂金剛不空真言三昧耶經般若波羅蜜多理趣釋、二

卷、唐不空譯。解釋密部之理趣經。

【理趣釋經】（經名）理趣釋之異名。

【理趣三昧】（術語）誦讀理趣經式。

一心行此法。故名三昧。有顯密之二行。顯行者。讀玄奘譯之般若理趣分。密行者。讀不空譯之理趣經。

【理趣禮懺】（術語）理趣三昧也。行

理趣三昧者為禮懺。故云禮懺。

【理實】（術語）與實理同。

【理論】（術語）對於事論而言。就差別之事相而論。謂之事論。就平等之理性而論。謂之理論。法華玄義六曰。「理論則同如是故不異。事論有機應是故不一。」

【理禪】（術語）事理二禪之一。有漏定為事禪。無漏定為理禪。四教儀集註中曰。「大論云。三阿僧祇時六波羅蜜者。是乃事禪事智滿耳。俱舍云。道樹已前。四波羅蜜滿。至佛果位。二波羅蜜滿。此約緣理禪。理智始

滿。」

【理證】（術語）事理二證之一。憶念道理而證悟之也。見戒疏上。又教理二證之一。舉佛之聖教而為證憑也。見唯識論。

【理懺】（術語）懺悔有事理之二種。

觀法之無性。而亡罪福之相。以破理障。為理懺。身口意所作。一一依於法度。對於尊像披陳過罪。以破事障。為事懺。四教儀曰。「理懺者。若欲懺悔者。端坐念實相。衆罪如霜露。慧日能消除。即此義也。」行事鈔中四之三曰。「今懺悔之法。大略有二。初則理懺。二則事懺。此之二懺。通道含俗。」

【理體】（術語）萬有之本體。謂理性也。

【理觀】（術語）道理之觀念也。止觀十曰。「聽學人誦得名相。齊文作解。心眼不開。全無理觀。」（中略）習禪人唯尚理觀。觸處心融。開於名相。一句不識。」因事觀之對。

【梯陁】（譬喻）漸漸昇高之木階也。

以譬漸教。止觀一曰。「漸則初淺後深。如彼梯陁。」同輔行曰。「梯者。說文木階也。極高用梯。次高用陁。故陁字亦可從足。謂昇驟也。從木者。維壑反。非此所用。從石者。謂山坡漸高也。亦可義用。正應從邑。何此陁字亦梯類也。可以昇高也。」

【梯羅浮呵】（地名）巴 *Thilavah*

窟名。譯曰上座。按玄記十五曰。「梯羅浮呵者。此云上座。即尊者名也。以居此窟故。因以爲名。文殊問經毘裏部。此云上座部。同此名也。」

【根多】（植物）木名。出摩伽陀國。長六七丈。經冬不凋。取其皮書之。本作貝。俗作根。見酉陽雜俎。按貝葉。瀝之似紗。數可用以寫經。

【梅怛黎】（術語）見梅怛利耶條。

【梅怛麗藥】（術語）見梅怛利耶條。

【梅●呬●利】（菩薩）梅呬利耶之略。

【梅●呬●利●耶】（菩薩）Maitreya 舊訛

略而云彌勒。譯曰慈。當來嗣釋迦出世成佛之菩薩名。又作梅怛麗藥。梅怛梨。梅呬囉曳尼。梅呬利曳尼。梅呬利曳那。玄應音義二十五曰：「梅怛麗藥。此云慈。即舊云慈氏者也。慈有二因緣。一值慈佛發心。二初得慈心三昧。因以名焉。言彌勒。或云梅怛梨。並訛。」唯識述記四本曰：「梅呬利耶。此翻云慈氏。梅呬囉曳尼是聲轉之異。」彌勒上生經疏上曰：「依正梵本應云梅呬利耶。此翻爲慈。古云彌帝疑。或云彌勒者。皆語訛也。」（中略）若釋名應云梅呬利曳尼。梅呬利曳尼是女聲。母性慈故。因名慈氏。（中略）若依此姓名爲慈者。應云梅呬利曳那。是男聲也。」俱舍光記十八曰：「梅怛麗藥。梅怛。此云慈。麗藥。此云氏。菩薩在慈姓中生。從姓立名。故名慈氏。舊云彌勒。訛也。」

【梅●呬●利●曳●那】（菩薩）見前項。

【梅●呬●囉●曳●尼】（菩薩）見梅呬利耶條。

【桶●底●脫】（雜語）謂坐化也。趙瀛詩曰：「桶底脫時無一物。」傳燈錄曰：「雪峯告巖頭曰：我問德山從上宗乘事。德山打一棒曰：道甚麼。我當時如桶底脫相似。」五燈會元曰：「真歇了。入厨看煮麵次。忽桶底脫。衆皆失聲曰：可惜許了。」桶底脫。合歡喜。因甚煩惱。僧曰：和尚即得。」

【桶●頭】（職位）管掌桶類之禪寺僧也。

【梵●伽】（地名）又云強伽。強伽。恒伽。恒架。Ganga 譯曰天堂來。以其原從高處神堂而來也。印度東北之大河名。爲印度三大河之一。發源於雪山之南部。合大小無數之支流而東南奔流五百里。與蒲拉賀普篤羅河共流入印度洋。其流域一帶之地。即所謂

恒河之平原。四境開闊。交通入達。且地味極爲豐饒。故古來起於印度之幾多君主。其都城皆以此川流而定。數千年來印度文明之中心也。佛教勿論。即其他之宗教與哲學。亦起於此流域。因此印度人視此河極爲神聖。遂至以河名直爲神名。西域記一曰：「梵伽河。舊曰恒河。又曰恒伽。訛也。」玄應音義八曰：「強伽。舊名恒河是也。亦名梵伽。從阿耨大池東面象口流出。入東海。其砂細與水同流也。」此所以經中有恒河沙數諸佛之譬喻語也。同二十四曰：「梵伽河。諸經論中或作恒河。或言恒伽河。亦云恒迦河。或作強伽河。皆訛也。此河從無熱惱池東面象口而出。流入東海。舊譯云天堂來。以彼外書云本入摩醯首羅天頂從耳中出流在地上。以天化身在雪山頂故作是說。見從高處而來。故云天堂來也。」俱舍光記五曰：「梵者。是河神名。若女聲中呼名梵者。若男聲中呼名梵伽。

名。若女聲中呼名梵者。若男聲中呼名梵伽。

舊曰恒河訛也。可洪音義一曰、「恒伽。大般若經作殑伽天女是也。」此所以以其河水爲神聖而生浴於此水者得去一切罪汚之思想也。藥師本願經作「殑伽」。

【殑伽女】（故事）此女愛念其子共沒於殑伽死。生於梵天。心地觀經三曰、「昔有女人抱其子。渡於恒河水瀑流。以汎水故力難前。與子俱沒無能捨。爲是慈念善根力。命終上生於梵天。長受梵天三昧樂。得遇如來受佛記。」性靈集八曰、「殑伽女人。因愛子而生天上。坐海丈夫。發慈悲以成大覺。」

【殑伽沙】（地名）舊稱恒河沙。新稱殑伽沙。

【殑伽神】（神名）又作恒伽天。印度恒河之河伯也。見殑伽條。祖庭事苑七曰、「主河之名是女。非鼻聞香。未見其緣。」

【殑伽神女】（神名）同上。

【殑者】（神名）殑伽河女神名。見殑伽神條。

【殑者羅】（人名）比丘名。俱舍寶疏五曰、「殑者是河神名。羅名攝受。父母憐子與字。立名殑者攝受。女聲呼名者。男聲呼爲伽。」梵 *Caṇḍiāya*

【旋火輪】（術語）以火旋轉而爲輪形者。輪形似有而非實。以譬一切事法之假相。楞嚴經三曰、「生死死死。生生死死。如旋火輪。未有休息。」止觀六曰、「爲此見故。造衆結業。墮墜三途。沈淪無已。如旋火輪。若欲息之。應當止手。」智度論六曰、「如旋火輪。但惑人目。」

【旋陀羅尼】（術語）法華三陀羅尼之一。謂於法門得旋轉自在之力也。嘉祥法華義疏十曰、「旋陀羅尼。於法門中圓滿具足。出沒無礙。」

【八種旋陀羅尼字輪門】（名數）於諸陀羅尼之字門逆順旋轉而爲釋。故云旋陀羅尼字輪門。此有八種。一以一字釋一切字義。如釋迦字之時。但以種種之因緣而觀本不生。即見無所作之義。乃至如釋阿字亦以種種之因緣而觀本不生。即見無因之義。是就初之迦與後之阿而界中間也。二以一切字釋一字。如釋阿字之時。以種種之因緣而觀無造作。即見本不生。乃至以種種之因緣觀諸法無因。即見本不生。三一切字成立一字。一切法本不生。以無作故。如虛空無相故。無行故。無合故。乃至無因故。四一字成立一切字。一字法無作也。以其本不生故。乃至一切法無因也。以其本不生故。五以一切字破一字。如執人有造作。應破彼而言。若諸法本不生之義已成立。而云有作。是義不然。六以一字義破一切字義。七順旋轉。若法本來不生。即無造作。若無造作。則如虛空無相也。若如虛空

無相、即無有行、若無有行、則無有合、若無有合、則無有違轉、乃至若無因、當知法之本不生、是名順旋轉。（是約初之阿迦佉哦伽遮

六字與最後之訶字而作釋、略其中間也。）

入逆旋轉、若無法因、則諦不可得、若諦不可得、則自性鈍、若是自性鈍、當知本性寂、若本寂者、當知無相、乃至若本不生、當知無因。（

是逆次越阿娑沙奢四字而約難之一字與最首阿六字而釋之者。）見大日經疏七。

【十六玄門】（名數）日本僧高野於此八種旋陀羅尼加遮情、表德、淺略、深秘、字相、字義、一字攝多、多字歸一之八門而爲十六玄門。本日經開題曰、「據大日經王及金剛頂經王秘密法曼荼羅、旋陀羅尼字輪、海印三摩地釋一切經、且有十六門、謂遮情表德、淺略深密、字相字義、一字攝多、多字歸一、一字釋多、多字釋一、一字成多、多字成一、一字破多、多字破一、順旋轉、逆旋轉、是也。」此

中順逆之二旋轉、即大疏之八種旋陀羅尼、要之但加增六門而已。

【旋陀羅尼字輪門】（術語）八種旋陀羅尼字輪門也。見旋陀羅尼條。

【旋嵐】（雜名）又云旋藍、譯曰大猛風。見毘嵐條。

【旋轉真言】（真言）稱正念誦之真言、以旋轉念珠而誦之也。見十八道鈔下。

【族姓子】（雜名）又云族姓男。梵名矩羅補囉。Kulaputra。印度有四姓、生於如來家、於諸姓中爲最勝、故云。大日經疏五曰、「梵云矩羅、是族義、補囉、是男子義。若世諦釋於四姓中生、皆名大族。今得生如來家、於諸族中爲最勝、故名族姓子。」

【晦堂】（人名）宋黃龍山晦堂寶覺禪師、名祖心、嗣黃龍南禪師。哲宗元符三年寂。見稽古畧四。

【晚參】（儀式）謂晚刻之參禪或晚

刻之念誦。對於早參而言。敕修清規晚參曰、「凡集衆開示般闍之參。古人匡徒、使之朝夕杳扣、無時而不激揚此道。故每晚必參。則在晡時。」祖庭事苑七曰、「日晡念誦、謂之晚參。」

【晚粥】（雜名）晡時之粥食也。於律法雖觸不過中食之戒、然禪院則稱爲藥石而用之也。

【晤恩】（人名）宋慈光院晤恩。高論尊者清疎之甥、山外宗之祖也。初就志因學三觀之旨、道名大播。雍熙三年入寂。壽七十五。稽古畧四曰、「初天台宗、自唐德宗建中三年、荆溪尊者滅後、五傳至清疎、疎有二弟子、曰義寂、曰志因。寂以教觀之正脈傳於義通、通傳於四明之知禮、下竺之蓮式、源源授受。志因傳於晤恩、恩之名、著於僧史。恩傳於洪敏與源清、清傳於孤山之智圓與梵天之慶昭、昭傳於繼齊與咸潤、境觀解行、各師

其說。四明之知禮、辭而闕之、衡嶽之家世斥之爲山外宗。」宋僧傳七、佛祖統紀十有傳。

【哺提木底轉殺社】（飲食） *Patim-ukka-shaigajya* 陳棄藥之梵名。見陳棄藥條。

【脚布】（物名） 人浴時所用之布也。百丈清規六曰、「展浴袱取出浴具於一邊。解上衣。未卸直縹。先脫下面裙裳。以脚布圍身。方可繫浴裙。將裙袴捲摺內袱內。」

【脚板】（雜名） 雜寶藏經曰、「命終之時。以八識之所去。知六道之誕生。頂聖眼生天。心人餓鬼腹。傍生膝蓋離。地獄脚板。」臨濟錄曰、「彌波波地往諸方。覓什麼物踏脚板。」

【脚俱陀迦多演那】（人名） *Klakhi-da-kalyāṇa* 又作脚陀迦旃延。外道名。希麟音義九曰、「脚陀。舊云迦羅鳩歇。此云黑領。迦旃延姓也。此外道應物而起。若問有答。有問無答無也。」又出毘奈耶雜事三十八。

【脚跟點地】（術語） 前後際斷。徹見本來面目。一切功夫。皆有著落之謂也。

【脚絆】（物名） 裹脚部之布也。旅行時用之。又作行纏。脛衣。脛巾。俗呼脚絆。律云護膊衣。臘衣。

【脫皮淨】（術語） 戒律之法。果實有皮者。脫皮而食。謂之脫皮淨。食之無罪。不然。即爲不淨。見行事鈔下二。

【脫珍著弊】（譬喻） 以譬釋迦如來酒報身之體。而垂丈六之應身。說小乘四諦之教者。法華經信解品曰、「即脫瓔珞細軟嚴飾之具。更著麤弊垢膩之衣。」

【脫閼】（物名） *Dhvaṇa* 譯曰幢。楞嚴經七曰、「寫此神咒。安城四門并諸支提。或脫閼上。」長水疏七曰、「脫閼云幢。」

【脫體】（術語） 全體一般等之意。碧巖第一則評唱曰、「脫體現成。」同九則評唱曰、「脫體不是。」

【望參】（職位） 禪林之職名。副參之候補者也。

【望鄉臺】（傳說） 面如弓背。朝東西南三向。對直八十一里。後如弓弦。坐北。劍樹爲城。臺高四十九丈。刀山爲坡。砌就六十三級。犯鬼登此臺。照鏡見聞之後。押入叫喚大地獄內。

【望寮】（堂塔） 禪家寮主之下有副寮。副寮之下有望寮之職。望寮者。副寮若闕。即可轉上而補之。故名。見象器箋六。

【祥月】（術語） 祥者。由禮記之小祥（一周忌）大祥（三周忌）而來。因而宗密之孟蘭盆疏有祥月之文字。靈芝之新記解之。有祥月卽周年之說。卽一周忌也。

【祥草】（植物） 吉祥草之略。如來成道時以吉祥草爲座。

【祥瑞】（雜語） 吉祥之瑞相。善事出現時。爲豫告或讚嘆。而現之不可思議相也。

六種震動、天雨妙華等是也。

【眼】（雜名）梵語斫菟。又作斫菟菟。

Calpa 義林章三本曰、「梵云斫菟。斫者行義、菟者盡義。謂能於境行盡見。行盡見諸色故、名行盡。翻爲眼者、體用相當、依唐言譯。」華嚴大疏五曰、「照曜爲眼。」

【眼入】（術語）十二入之一。

【眼目】（譬喻）譬物之主要而言。圓覺經曰、「是經十二部經、清淨眼目。」文句記十上曰、「以一乘妙行爲眼目。」

【眼目異名】（譬喻）名雖異、其實同。譬之眼目、名異其實同也。俱舍光記一曰、「一切與諸眼目異名。」同二十曰、「性之與體、眼目異名。」

【眼同】（雜語）衆眼同見爲事。元朝之俗語也。

【眼見家】（術語）就眼根眼識而論、俱舍論二述爲二家。一眼根觀照色境、名爲

見、因此眼識能了別、名爲識。謂見之用卽在眼根、此名眼見家。一眼識依眼根而生、識能見色境而了別之爲色、卽見者識之用也。是名識見家。此中大衆部法救論師等爲識見家、有部宗之本義、眼見家也。愚案、其餘耳根等之聞等準此可解。楞嚴經七大中開根大者、據此眼見家之義也。

【眼根】（術語）六根之一。眼識發生之所依者。地水火風四大種所造、其體質清淨、是爲實之眼根、不可以肉眼見者、是名勝義根。彼以肉眼可見之眼、稱爲扶塵根、爲彼勝義根之所依者。卽如盲人、有扶塵根、無勝義根故、不能生眼識也。俱舍論一曰、「眼謂內處四大所造、淨色爲性。」同頌疏一曰、「眼等五根、體清淨故、如珠寶光、故名淨色。」

【眼疾病陀羅尼經】（經名）能淨一切眼疾病陀羅尼經之畧名。

稱、苦法智忍爲眼、苦法智爲智、苦類智忍爲明、苦類智爲覺。見輔行五之四。

【眼識】（術語）六識之一。以眼根爲所依而生、了別色境者。隨能生之眼根而立眼識之名。三藏法數二十一曰、「眼根由對色塵、卽生其識。此識生時但能見色、是名眼識。」唯識論五曰、「眼識乃至意識。隨根立名。」

【略三寶】（儀式）凡禪家諷唱之末、必有十方三世等語、此名略三寶。謂十方三世一切佛者、佛寶也、諸尊菩薩摩訶薩者、僧寶也、摩訶般若波羅蜜者、法寶也。其鳴磬之法、十方一下、諸尊一下、摩訶般若一下、以分三寶也。

【略授三歸五八戒並菩薩戒】（書名）一卷、唐澄照撰。

【略出經】（經名）金剛頂瑜伽中略出念誦經之略名。